

土百姓。貧多富少。王官屋裏。及富有者。著氎一雙。自□□一隻。貧者半片。女人亦然。其王每坐衙處。首領百姓。惣來遶王。四面而坐。各諍道理。訴訟紛紜。非常亂鬧。王聽不嗔。緩緩報云。汝是汝不是。彼百□姓等。取王一口語爲定。更不再言。其王首領等。甚敬信三寶。若對師僧前。王及首領等。在地而坐。不肯坐床。

王及首領。行坐來去處。自□將牀子隨身。到處卽坐。他牀不坐。寺及王宅。並皆三重作樓。從下第一重作庫。上二重人住。諸大首領等亦然。屋皆平頭。博木所造。自外□□並皆草屋。似於漢屋雨下作也。又是一重。土地所出。唯有氎布象馬等□物。

40 當土不出金銀。並從外國來也。亦不養駝騾驢豬等畜。其牛惣白。萬頭之內。希有一頭赤黑之者。羊馬全少。唯王有三二百口六七十匹。自外□首領百姓。惣不養畜。

唯愛養牛。取乳酪蘇也。土地人善。不多愛煞。於市店間。不見有屠行賣肉之處。此中天大小乘俱行。卽此中天界內有四□大塔。恒河在北岸有三大塔。一舍衛國給孤園中。見有寺有僧。二毘耶離城菴羅園中。有塔見在。其寺荒廢無僧。三迦毘耶羅國。卽佛本□生城。無憂樹見在。彼城已廢。有塔無僧。亦無百姓。此城最居比。林木荒□多。道路足賊。往彼禮拜者。甚難方迷。四三道寶階塔。在中天王住城□西七